

書名 空同先生集六十三卷 嘉靖九年序刊本  
撰者 明 李夢陽 撰  
卷 卷五  
內容分類 集-別集-明中葉  
索書號 倉石:40084  
編號 4008000



# 卷五

空同先生集卷第一

賦一十首

疑賦

思賦

省愆賦

緒寓賦

俟軒子賦

一十首

疑賦

乾  
坤高卑易矣。星辰在下。江河逆矣。天喬喬天。

北郡李夢陽撰



[彩色首頁1](#)

[東洋文化研究所漢籍目錄 編號: 4008000](#)

[東洋文化研究所漢籍目錄所藏漢籍善本全文影像資料庫 索書號: 倉石:40084](#)

[漢籍善本全文影像資料庫文本空同先生集六十三卷 嘉靖九年序刊本](#)

[版權所有: 東京大學 東洋文化研究所](#)

[使用上的注意事項](#)

李空同全集  
二





卷第五

詩 古體三十二首

琴操五首

衛女操

慧蛾操

月星操

古調歌詩一十五首

河之水歌

雞鳴歌

叫天歌

北郡李夢陽撰

漆室女操

哀鳳操

想像歌

內教場歌

招安歌

賊逃歌

愍災歌

愍燼歌

姚源歌

欵乃歌

和方山子歌

已哉辭

三原王公壽辭

招隱山辭

琴操五首

衛女操

舊說衛有賢女趙王聞其賢請聘之未至而王薨太子曰吾聞齊桓公得衛女而霸今衛女賢欲留之大夫曰不可若賢女必不我聽若聽必不賢不可取也太子遂留之果不聽拘於深宮

思歸不得援琴而歌曲終自縊而死

有狐綏綏兮在彼河梁我欲濟之兮河無航瞻彼故丘兮淇水淺淺懷我父母兮不能奮翻嗟嗟不能奮翻予安用存兮

漆室女操

漆室女魯人也倚柱悲吟鄰人問曰欲嫁乎女曰吾憂國傷人心悲而嘯何言欲嫁乎遂自經而死

父母不聽女言女義不至公門嗟嗟柰何朝倚柱而吟暮倚柱而歌知我者謂我心憂不知我者謂我求為家予寧為地上之茂草誠不忍負巖墻而生

慧蛾操

李子中庭而立有蛾窘於爵入檐而避之李子傷之作此操也

翼之漸漸兮入我檐兮慧遠賊兮信彼黠兮寧爾獲兮

哀鳳操

哀鳳操為漢中張子作也張子三十而天子傷其孤貧無歸也援琴而哀之

鳳之來兮爾胡為兮牛有阜兮雞有棲鳳兮鳳兮今何歸傷哉命兮我心悲

月星操

元年冬十有一月其日巳卯月在寅位金宿來襲李子見之而憂作此操也

陰陽舛錯亦孔之選斤斤其月有星薄之嗚呼天高高在上意安若兮

古調歌詩一十五首

河之水歌

河之水歌李子為其子作也以子追不及

河之水流濺濺望父不見立河干

河水澌澌舟子搖櫓東方漸明我不得渡

想像歌

李子北行日夜行思其兄其兄亦日夜行於是

作想像之歌

霧邪煙邪行草莽者見邪

雞鳴歌

雞鳴歌者李于去江西而作者也孤舟沂江漢而上

東方白兮雞鳴膠膠鼓予權兮沙之坳明星上船桅北丰入地離離蘆中人逝而逝而

內教場歌

內教場歌者李于紀時事而作者也 帝自將練兵於 內庭

雕弓豹韃騎白馬大明門前馬不下徑入內伐鼓大

同邪宣府邪將軍者許邪一解武臣不習威柰彼四夷

西內樹旗 皇介夜馳鳴砲烈火嗟嗟辛苦二解

叫天歌

叫天歌者撫民之所作也余聞而悲焉撮其詞而比之音

彎弓兮帶刀彼誰者子逍遙牽我妻放火我言官府

怒我一解彼逍遙者誰子出門殺人騎馬城市汝何人

誰教汝騎馬二解持刃來特刃來彼殺我父兄我今遇

之必殺此儻彼答言奉黃榜招安嗟嗟柰何柰何三解

彼不有官饑官賑之出有馬騎我有租有徭有役苦

楚門不彼而四解

招安歌

鷹饑則附我父順子逆子右父左彼則萬只誰曰干  
只彼烹牛美妻尚望樵山而秉犁

賊逃歌

戈戟團團鳥飛不過汝安逃兮毒弩蛇矛平林之拗  
兮君不見青衣來狼兵開

愍災歌

火之發兮城南暮飛城入兮勢衝確急風逆不反我  
心怛兮怫兮泪兮安得術喫爾滅兮解一省之火自門  
徂堂燒兩廊兮彼何樓者裂棟爆瓦天為赭兮煙噴  
噴海湧照四野兮嗟何鳥聲怪而赤焰翔而不下兮

解二

愍燠歌

東湖為陸而我無車有舟灘高水淺行不得以舒倉  
浪天疾威我人七月不雨田龜折山而鱗鱗夫兮出  
殺賊婦哭于廬疇給我食

姚源歌

嗟萃萃是何萃攢兮下則無底之壑血節澍澍兮猛  
獸食人岑岑禽鳥竦峙鳴鳶不可以為鳳在爾飼兮  
我聞不敢以言舉火來白刃帳下離哉翻縣官走前  
奪驢後叫狗

款乃歌



五更風打頭來兮嗟嗟歎乃船開努力齊兮歎乃力  
把舵立兮歎乃努力上灘水平平緩兮歎乃北風雨  
雪吹我寒兮歎乃日漸漸冥兮誰濟此川歎乃

和方山子歌

錢者在郊黃鳥交交楊柳蔭車有酒有肴

右僕夫歌

何柳不黃何鳥不鳴匪無良朋懷我故鄉

右答歌

春水渙渙水鳥鳴喚追汝者誰白馬在岸

右舟子歌

食君琅玕佩君玉環春蒲再芽北舟我還

右答歌

已哉辭

由衷醜貪孰之廉兮餐冰茹蘗乃疇苦汝節威武不  
屈以身殉國此戾此賊彼毅彼力曰伊逮之逮之膺  
矣已哉天平命乎詘予改之吾曷懲矣栗滴瀝望青  
陽之清泉兮有二人者從之汨乎終予年

三原王公壽辭

軒冕兮巍哉公之進兮群龍委蛇公今何所兮南山  
岿崑誰與公兮逍遙 南山何有兮其雲油油出覆  
四海兮歸抱一丘公朝攀兮暮與游徜徉宇內兮復  
安求 綠桂兮丹阿公遊兮酒歌幅巾兮鸞羽婆娑

兮公舞壽且康兮慰我民望兮

招隱山辭

山之桂青青秋風綠葉冬不零王孫幾時歸山空蕙  
草摧山之草萋萋春風花發桃源迷子規啼竹陰  
日暮愁人心秋之夕螢飛山風霜露沾人衣洞門  
翳寒蘿柰茲華髮何

楚調歌一十二首

天門開

天門開兮冥冥沛余乘兮上征雷車兮電旗班陸離  
兮四馳陽昭昭兮在下女翩翩兮媵予交不周兮易  
離路超遠兮徒自苦涉海兮揚靈揖陽侯兮貝宮采

珊瑚兮嶼間折三秀兮水中望佳人兮不來吹洞簫  
兮絕浦聊盤旋兮戲娛時不可兮再有

貽女

龍旌兮玄牲重闕兮紫府夫君兮不可以見女躑躅  
兮徒自苦衝風起兮河曾波巖岬兮桂蘿折瓊蓋  
兮貽女媒不通兮怨嗟若有人兮乘游龍佩蒼景兮  
御清風陟帝左兮右降又翱翔兮極中君游兮崑崙  
又夕宴兮王母緩節兮永歌紛佾兮繁舞望遥浦兮  
御舸吹參差兮愁予

捐袂

捐袂兮沙裔遺襟兮澧浦御重華兮九疑觀潺湲兮

壯

各與神之來兮六龍翳瓊枝兮翠葆驅豐隆兮挾百  
靈來如雲兮去冥冥來躡霞兮去乘霓連蜷兮復  
歲蕤山之桂兮江之楓雲颯颯兮吹秋風班予馬兮  
延佇美要眇兮中渚

懷鄉

伐辛夷兮采芳芷葺荷屋兮蔭蘭渚佳人去兮不歸  
靈蓮蜷兮愁望予涉世徑兮歷險阻駕玄驂兮又文  
狂歲冉冉兮既不我留悵懷鄉兮汨夷猶葛藟離離  
兮石間雨冥冥兮山之幽旋予馬兮故阿陟堂址兮  
舉女蘿霜露交下兮亭臯秋風夕兮洞庭波山何爲  
兮巖從木何爲兮蒙密公有亭兮何不日鼓瑟日鼓  
瑟兮復吹龔憺娛樂兮萬福來

君夷猶

登樓兮送君日盈盈兮將落暖萋鬱兮帶長薄君夷  
猶兮吹間<sub>並</sub>作巢燕兮既辭又鳴兮蟋蟀紛軒蓋兮  
總總君胡爲兮南都若有人兮被杜衡帶薜蘿兮蕙  
纓中有懷兮荃不知臨修路兮悵天涯悵天涯兮望  
煙渚信予美兮誰與龍城兮貝闕君暮趨兮朝謁采  
芳芷兮江中寄佳人兮天北

騁望

送佳人兮江渚嫋嫋兮雲氣下鳥翩翩兮戾止蟬暮  
吟兮獨苦余迢迢兮隱軫蹇中洲兮偃蹇心相親兮

口難言目不覩兮目以遠風濤兮浩蕩涉浦兮騁望  
蘭被汀兮葳蕤杜參差兮夕漲君稅楫兮前坻復容  
與乎中渚恂恂兮將從愴淹留兮誰與

雩旱歌

望君兮曾波雨霾兮兩河驟豐隆兮駕馮夷蹇將至  
兮風薄之吹笙兮擊鼓絙絃兮會舞君不來兮使我  
心苦雲冥冥兮晝晦神靈惠兮甘雨我稷兮我黍穀  
之兮士女編龍兮堂墀禽蜥蜴兮水際吐雲兮上下  
使鳩鳥兮騰逝紛總總兮神欲下焱為駕兮龍為馬  
君誰湏兮不來日將莫兮怨思

祀白鹿先生迎送神辭三首

吹玉簫兮眺帆浦橫蔽江兮美無舸蹇躑躅兮旋莖  
宛窈窕兮山之左陟山左兮降右忽而來兮倏而去  
跨白鹿兮導兩螭色含笑兮心莫知既登兮山椒復  
南涉兮石瀨日冥冥兮欲暮風飄飄兮吹蕙帶

右迎神

綠蘿兮紫萸桂生兮羅戶風颯颯兮若有望神驅雨  
兮泉浪浪躑我堦兮坐我几以彭郎兮挾匡父蘭斝  
兮椒醕日中兮萬舞美孰怒兮飄忽逝雲離離兮怨  
余

右降神

迹不借兮心相疑懽雖諧兮愁易離君荷衣兮蕙帶

道遙山中兮桂爲蓋天門兮旣闢騰而上兮雪之際  
石有澗兮山有峯心相慕兮交不逢稅吾車兮繫馬  
願褰衣兮從子

右送神

步虛辭

被霞衣兮芝蓋藹沛騰兮影長帶魂逖逖兮天門奄  
周章兮雲際吹參差兮槃舞燈繁紛兮不歌以鼓水  
以陸兮濟鬼福釐泐兮冀望苦

芝山子辭

山之芝兮蕨蕝子出遊兮不歸子不歸兮翳薜蘿蹇  
余獨兮山之阿山阿兮望子芝爛爛兮菝紫從子兮  
齋房帝座兮顯清天門兮不易通子歸來兮山中石  
磊磊兮路修日暮兮不我聊

空同先生集卷第五